




玉函山房輯佚書

□ 11
1236
34

玉函



1236
34

1236
34



春秋左氏傳解詁卷下

襄公

元年

晉韓厥荀偃帥諸侯之師伐鄭入其郛

韓厥荀偃帥諸侯之師謂帥宋衛滕薛伐鄭齊魯
曹邾杞次于郛故諸侯之師不序也入郛不書者
晉人先以鄭罪令于諸侯故書伐鄭入郛既敗鄭
不復告故不書正義

二年

使鄧廖帥組甲三百被練三千

組甲以組綴甲車土服之被練帛也以帛綴甲步卒服之凡甲所以為固者以盈竅也帛盈竅而任力者半卑者所服組盈竅而盡任力尊者所服

亂行于曲梁

行陳也史記晉世家集解

魏絳戮其僕

僕御也同上

四年

恃其射也

羿之先祖世為先王射官故帝嚳賜羿弓矢使司

射正義尚書五子之歌正義

八年

孫擊孫惡出奔衛

二孫子狐之子正義

九年

使西鉏吾虢府守

鉏吾大宰也同上

遇艮之八

先代之

易杜氏注正義云賈鄭先儒相傳云耳

吾三分四軍

三分四軍為十二部正義正

冠而生子

人君禮十二而冠也

宋書禮志

十有四年

使師曹誨之琴

師曹樂人

史記衛世家集解

遯伯王

伯玉衛大夫同上

十有六年

戊寅大夫盟

公羊以為溴梁之盟君若贅旒然穀梁云不日諸侯之大夫大夫不臣也言惡大夫專而君失權也

正義正

十有九年

公至自伐齊

圍齊而致伐以策伐勲也正義

取邾田自漵水歸之于我

公羊傳曰其言自漵水何以漵為竟也何言乎以

漵為竟漵移也言刺晉偏而魯貪正義引公羊傳云賈服取以為

說

遂東大子光

東徙之東鄙也史記齊世家集解

號之乃下問守備焉以無備告揖之乃登

齊侯以衛告誠揖而禮之欲生之也衛志于戰死

故不順齊侯之揖而還登城正義

二十年

陳侯之弟黃出奔楚

稱名罪其偏同上

二十有一年

庶其非卿也以地來雖賤必書重地

春秋之序三命以上乃書於經正義引劉賈三叛人以

地來奔不書叛謂不能專也同上

宣子殺箕遺黃淵嘉父司空靖邴豫董叔邴師申書

羊舌虎叔羆

十子皆欒盈之黨知范氏將害欒氏故先為之作
難討范氏不克而死正義正

二十有三年

邾畀我來奔

庶其之黨同有竊邑叛君之罪來奔故書同上

納諸曲沃

欒盈之邑也史記齊世家集解

啓牢成御襄罷師狼遽疏為左肱商子成御侯朝桓

跳為右

左翼曰啓右翼曰肱正義正

取朝歌

晉邑史記齊世家集解

入孟門登大行

孟門大行皆晉山隘也同上

叔孫豹帥師救晉次于雍榆禮也

禮者言其先救後次為得禮也正義正

季氏以公鉏為馬正

馬正家司馬 太平御覽卷四百二十二

閔子馬見之

閔子馬魯大夫閔馬父也 同上

二十有五年

衛侯入于夷儀

雖夫人姜氏之入皆以為例 正義

齊棠公之妻

棠公齊棠邑大夫 史記齊世家集解

晏子立於崔氏之門外

聞難而來 同上

蔦播書土田度山林鳩藪澤辨京陵表淳鹵數疆潦
規偃豬町原防牧隰臯井衍沃

賦稅差品山林之地九夫為度九度而當一井也
藪澤之地九夫為鳩八鳩而當一井也京陵之地
九夫為辨七辨而當一井也淳鹵之地九夫為表
六表而當一井也疆潦之地九夫為數五數而當
一井也偃豬之地九夫為規四規而當一井也原
防之地九夫為町三町而當一井也隰臯之地九

夫為牧二牧而當一井也衍沃之地畝百為夫九

夫為井正義淳鹹也同疆其兩反釋文疆為疆藥境塉

之地下平曰衍有漑曰沃正義

二十有六年

欒范易行以誘之

易讀變易之易行道也欒為將范為佐二人分中

軍別將之欲使欒與范易道令范先誘楚欒以良

卒從而擊之正義

釁於勇

釁動也正義引鄭

二十有七年

故不書其族言違命也

叔孫義也魯疾之非也正義

告盧蒲癸

癸齊大夫慶封之屬史記齊世家

二十有九年

吳子使札來聘

夷末新即位使來通聘正義引賈

逵服虔

猶未也

言未有雅頌之成功也史記吳世家集解詩序正義

美哉淵乎

淵深也史記吳世家集解

吾聞康叔武公之德如是

康叔遭管叔蔡叔之難武公罹幽王褒姒之憂故

曰康叔武公之德如是

為之歌鄭

鄭風東鄭是同上

蕩乎樂而不淫

蕩然無憂自樂而不荒淫也

大而婉儉而易行以德輔此則盟主也

其志大直而有曲體歸中和中庸之德難成而易

行故曰以德輔此則盟主也

至矣哉

言道備至也並同上

見舞象箛南籥者

象文王之樂箛舞曲也南籥以箛舞也同上詩周頌維清

正義

猶有憾

憾恨也恨不及己以伐紂而致太平也

史記吳世家集解

見舞大武者

大武周公所作武王樂也

見舞韶護者

今本作護史記作護引賈注同

韶護殷成湯樂大護也

聖人之弘也

弘大也

見舞大夏者

夏禹之樂大夏也

如天之無不燾也

今本作燾史記作燾引賈注同

燾覆也

夫子獲罪於君以在此

夫子孫文子也獲罪出獻公以戚畔也

君又在殯

衛君獻公棺在殯未葬

並同上

三十有一年

以羸諸侯

羸讀為盈受也正義

昭公

元年

三月取郟

楚以伐莠來討故諱伐不諱取正義

周有徐奄

書序曰成王伐淮夷遂踐奄徐即淮夷同上

居于曠林

曠大也史記鄭世家集解

后帝不臧

后帝堯也臧善也

遷闕伯於商並同上

商並同上

遷實沈于大夏主參

陶唐之胤劉累也漢書天文志劉昭補注

唐人是因以服事夏商

唐人謂陶唐之胤劉累事夏帝孔甲封于大夏因

實沈之國子孫服事夏商也史記鄭世家集解

夢帝謂己

帝天也己武王也同上正義

故參爲晉星

晉主祀參參爲晉星史記鄭世家集解

宣汾洮

宣猶通也汾洮二水名同上水經注卷六引下句

沈妣蓐黃

四國臺駘之後也史記鄭世家集解

今晉主汾水而滅之矣

滅四國並同上

山川之神則水旱癘疫之災於是乎崇之

營攢用幣正義

陰陽風雨晦明也

風東方雨西方陰中晦北方明南方唯天陽不

變唯晦明所屬詩小雅漸漸之石正義引賈逵服虔

風淫末疾

末疾首疾謂風眩也正義

二年

見易象

卦下之象辭文王所作爻下之象辭周公所作正義

引賈逵

鄭衆

周禮盡在魯矣

周禮盡在魯矣史法最備故史記與周禮同名春秋

序正

義

而或燠休之

燠厚也休美也正義

成王有岐陽之蒐

岐陽岐山之陽史記楚世家集解

夏桀爲仍之會有緡叛之

仍緡國名也同上

五年

箕襄邢帶叔禽叔椒子羽

叔禽叔椒子羽皆韓起庶子正義

七年

暨齊平

魯與齊平 正義引賈逵何休

好以大屈

大屈寶金可以為劍出大屈也 釋文 大屈金所生地

名 正義史記魯世家集解

今夢黃熊入于寢門

熊獸也 正義

吾聞將有達者曰孔丘

是歲孟僖子卒屬其子使事仲尼仲尼時年三十
五定以孔子為襄二十一年生也 正義引服虔賈逵○史記孔子

世家集解引仲尼句

佐戴武宣

三人皆宋君也 太平御覽卷四百三十二

三命茲益恭

三命上卿

一命而僂再命而偃三命而俯

俯恭於偃偃恭於僂

循牆而走

言不敢安行也 並同上

八年

秋蒐于紅

蒐于紅不言大者言公大失權在三家也正義引劉賈頴

葬陳哀公

葬哀公之文在殺孔奭之下以為楚葬哀公正義

且陳氏得政於齊而後陳卒亡

物莫能兩盛史記陳世家集解

自幕至于瞽瞍無違命

幕舜後虞思也至于瞽瞍無聞違天命以廢絕者

同上

九年

夏四月陳災

穀梁傳曰國曰災邑曰火火不志此何以志閔陳而存之也言愍陳不與楚故存陳而書之言陳尚

為國也正義引賈服

辰在子卯謂之疾日

桀以乙卯日死紂以甲子日亡故以為戒禮記釋文

僕析父從

析父楚大夫史記楚世家集解

十有一年

臣聞五大不在邊

五大謂天子母弟貴寵公子公孫累世正卿也正義

十有二年

晉伐鮮虞

穀梁傳曰其曰晉狄之也不正其與夷狄交伐中

國也故狄稱之也正義云賈服取以為說

更受三命

春秋之序三命以上乃書於經正義引劉賈

是能讀三墳五典八索九丘

三墳三皇之書五典五帝之書八索素王之法九

丘亡國之戒墳大也言三王之大道孔子作春秋

素王之文也文選潘安仁閑居賦李善注正義引云三墳三王之書五典五帝之典

八索八王之法九丘亡國之戒

作祈招之詩

祈求也招明也言求明德也正義

十有三年

乃使爲卜尹

卜尹卜師大夫官

史記楚世家集解

乃與巴姬

共王妾

有莒衛以爲外主

齊桓出奔莒自莒先入衛人助之

有齊宋秦楚以爲外主

齊以女妻之宋贈之馬楚享以九獻秦送丙之

有樂郤狐先以爲丙主

四姓晉大夫

並同上

再會而盟以顯昭明

朝天子之法

禮記王制正義引賈逵服虔

鄭伯男也而使從公侯之貢

鄭伯爵在男畿

詩鄭譜正義

男當作南謂南面之君也

正義

任良物官

物官量能授官也

正義

十有六年

楚子誘戎蠻子殺之

楚子不名以立其子同上

十有七年

五雉爲五工正

西方曰鷦雉攻木之工也東方曰鷦雉搏埴之工也南方曰翟雉攻金之工也北方曰鷦雉攻皮之工也伊洛而南曰鞞雉設五色之工也正義

九扈爲九農正

春扈分循相五土之宜趣民耕種者也夏扈竊玄

趣民耘苗者也秋扈竊藍趣民收斂者也冬扈竊黃趣民蓋藏者也棘扈竊丹爲果驅鳥者也行扈喑喑晝爲民驅鳥者也宵扈嘖嘖夜爲農驅獸者也桑扈竊脂爲蠶驅雀者也老扈鷦鷯趣民收麥令不得晏起者也正義鷦鷯亦聲音爲名也同上

有星孛于大辰西及漢

天漢水也或曰天河太平御覽卷八

今茲火出而章必火入而伏

舊文無重火字正義

春秋左氏傳解詁

卷下

十七 娜嬛館補校

十有九年

楚子之在蔡也

楚子在蔡為蔡公時也

札瘥天昏

大死曰札小疫曰瘥短折曰夭未名曰昏

二十年

曹公孫會自鄆出奔朱

前此以鄆叛也叛使從鄆而出叛不告故不書所以華亥向寧射姑等不見有玉帛來聘者以其時

未為卿也

並同上

乃見鱣設諸焉

鱣諸吳勇士

史記吳世家集解

賓將擗

謂夜行

周禮夏官掌次疏引賈服

琴張聞宗魯死

子張謂顓孫

師正義引賈逵鄭衆

八風

兌為金為闔闔風也乾為石為不周風也坎為革

為廣莫風也艮為飽為融風也震為竹為明庶風也異為木為清明風也離為絲為景風也坤為土

為涼風也

正義

古之遺愛也

愛惠也

史記鄭世家集解

二十有一年

宋華亥向寧華定自陳入于宋南里以叛

書入華緄兄弟作亂召而逆之

正義

二十有二年

王子朝賓孟有寵於景王

子朝景王之長庶子

史記周本紀集解

王與賓孟說之欲立之

賓孟子朝之傅也王愛子朝因愛其傅故朝起竝

有寵于景王也與賓孟竝談說之欲立朝為太子

下門子周大夫王猛之傅也景王欲立朝故先殺

猛傅

正義

于弗應

太子壽卒景王不立適子

同上

敬王即位

敬王猛母弟

史記周本
紀集解

二十有三年

戊辰吳敗頓胡沈蔡陳許之師于雞父

不國國書師惡其同役而不同心正義

王師在澤邑

澤邑周地也

史記周本
紀集解

使各居一館

使邾魯大夫各居一館正義

戊辰晦戰于雞父

泓之戰譏宋襄故書朔鄆陵之戰譏楚子故書晦

雞父之戰夷之故不書晦同上

伍候

五候五方之候也敬授民時四方中央之候正義引賈

服

二十有四年

仲孫獲卒

仲尼時年三十五矣史記孔子
世家索隱

春秋左氏傳解詁

卷下

二千姬嬖館補校

二十有五年

秋七月上辛大雩季辛又雩

上辛不注正義

民有好惡喜怒哀樂生于六氣

好生于陽惡生于陰喜生于風怒生于雨哀生于

晦樂生于明正義詩大雅丞
比正義作服注

師己曰異哉吾聞文成之世

師己魯大夫文成魯文公成公史記魯世家集解

季氏介其雞

擣芥子為末播其雞翼可以全邱氏雞目正義史記魯

世家集解

臧昭伯之從弟會

昭伯臧孫賜也史記魯世家集解

公使邱孫逆孟懿子

懿子仲孫何忌同上

執冰而踞

冰積丸蓋也正義詩鄭風
叔于田正義

請致千社

二十五家為一社于社二萬五千家也史記齊世家集解

齊侯圍鄆

鄆魯邑史記魯世家集解欲取以居公不書圍鄆人自服

不成圍正義

二十有六年

三月公至自齊居于鄆

季氏示欲為臣故以告廟正義

申豐從汝賈

申豐汝賈魯大夫史記魯世家集解

粟五千庾

十六斗為庾五千庾八萬斗同上

二十有七年

使公子掩餘公子燭庸帥師圍潛

二子皆吳王僚母弟潛楚邑在廬江六縣西南正義

史記吳世家集解

帥都君子

都君子在都邑之士有復除者正義

上國有言

上國中國也

同上釋文引作上國與中國同

鉞交於胥

交專諸胥也

史記吳世家集解

二十有八年

昔有仍氏生女黶髮

美髮曰黶

正義引賈杜

貪慄無厭忿類無期謂之封豕

淋耆食也其人貪耆財利飲食無知麇足忿怒狼

戾無有期度時人謂之大豬

正義

其大宗賂以女樂

訟者之大宗

太平御覽卷四百八十一

謂閭沒女寬

二子晉大夫魏子之屬

饋入名之

名二大夫食

並同上

二十有九年

故國有豢龍氏有御龍氏

豢養也穀食曰豢

史記夏本紀集解

以更豕韋之後

劉累之後至商不絕以代豕韋之後祝融之後封于豕韋殷武丁滅之以劉累之後代之

夏后饗之既而求之懼而遷於魯縣

夏后既饗而又使求致龍劉累不能得而懼也並同

上

鬱湮不育

鬱滯也湮塞也育生也正義

木正曰句芒火正曰祝融金正曰蓐收水正曰玄冥

土正曰后土

總言萬物句芒非專木生如句夏陽氣明朗祝甚也融明也亦以夏氣為之名耳句芒祀於戶祝融

祀於竈蓐收祀於門玄冥祀於井后土祀於中霤

正義

世不失職遂濟窮桑

處窮桑以登為帝故天下號之曰窮桑帝濟渡也

言四叔子孫世不失職遂渡少皞之世正義水經注卷七

路史後記卷九

有烈山氏之子曰柱爲稷

烈山炎帝之號正義

三十有二年

取闕

昭公得闕季氏奪之不用師徒謂此取闕爲季氏

取于公也正義

冬仲孫何忌會晉韓不信齊高張宋仲幾衛世叔申
鄭國參曹人莒人薛人杞人小邾人城成周
魯有昭公難故會而不盟

不及四十年越其有吳乎越得歲而吳伐之必受其

凶

吳越同分而云越福吳凶者以吳先用兵故反受

其殃並同上

定公

三年春王正月公如晉至河乃復

刺緩朝見辭失所不諱罪已正義

有兩肅爽馬子常欲之

色如霜紈

春秋左氏傳解詁

卷下

三五 嬀嬀館補校

四年

嘖有煩言

嘖至也

蔡叔康叔之兄也

蔡叔周公兄

而封於少皞之虛

少皞居窮桑登為帝蓋未為帝居魯北既為帝乃

居魯也

並同上

分康叔以大路少皞績棧旃旌大呂

大路金路也少皞雜帛也績棧大赤也過帛為旃

析羽為旌大呂鍾名

史記衛世家集解

碁間王室

碁毒間亂

正義

黃父之會

黃父會在昭廿五年

太平御覽卷三百九十

無始亂

無為亂始

同上

王使執燧象以奔吳師

春秋左氏傳解詁

卷下

二十六 鄭媛館補校

燧火燧也象象獸也以火繫其尾使奔吳師驚卻

其眾使王得脫正義正

五年

夏歸粟于秦

公羊傳曰孰歸之諸侯歸之曷為不言諸侯歸之

離至不可得而序故言我也穀梁傳亦然不書所

會後也正義正

而自稷會之

楚地也史記楚世家集解

六年

以文之舒鼎成之昭兆

舒鼎鼎名昭兆寶龜正義正

七年

九月大雩

早也正義正

八年

三月公至自侵齊

還至不月為曹伯卒月公羊傳疏

主人出師奔

上人出魯師奔走而卻退言魯無戰備也

正義

魯於是始尚羔

周禮公之孤四命執皮帛卿三命執羔大夫再命

執鴈魯廢其禮三命之卿皆執皮帛至是乃始復

禮尚羔

九年

載蔥靈寢於其中而逃

蔥靈衣車也有蔥有靈

十年

孔丘使茲無還揖對曰而不反我汶陽之田吾以共命者亦如之

不書盟諱以三百乘從齊師其意以宣七年盟于

黑壤而不書經傳言晉侯之立也公不朝又不使

大夫聘晉人止公子會公不與盟不書盟諱之也

緣彼有諱謂此亦諱

並同上

十有三年

梁嬰父嬖于知文子

春秋左氏傳解詁

卷丁

三六 嬖嬖館補校

梁嬰父晉大夫也史記趙世家集解

今三臣始禍

范中行趙也同上

十有四年

於越敗吳于檣李

檣李地名史記吳世家集解

使死士再禽焉

死士死罪人也同上

衛侯爲夫人南子召宋朝

南子宋女史記衛世家集解

太子羞之謂戲陽速曰從我而朝少君

戲陽速太子家臣同上

十有五年

齊侯衛侯次於蘧擘

欲救宋蓋恤鄰也公羊傳疏

哀公

元年

吳王夫差敗越於夫椒

保于會稽

夫椒越地

史記吳世家集解

會稽山名

昔有過澆殺斟灌以伐斟鄩滅夏后相

過國名也斟灌斟鄩夏同姓也夏后相依斟灌而

國故曰殺夏后相也

后緡方娠

緡有仍之姓也

逃於有仍

有仍國名后緡之家

少康奔有虞

有虞帝舜之後

而邑諸綸

綸虞邑

有田一成有眾一旅

方十里為成五百人為旅

不失舊物

物職也

並同上

二年

子南僕

僕御也 史記衛世家集解

六年

晏圉蒞施來奔

國晏嬰之子 史記齊世家集解

夏書曰惟彼陶唐帥彼天常有此冀方今失其行亂其紀綱乃滅而亡

逸書夏桀之時 正義引賈服孫杜

八月齊郕意來奔陳僖子使召公子嬰生

遣意來名日月錯誤其說未聞 正義云賈逵以傳文相連謂遣意來

名又怪其日月錯誤謂其說未聞

使毛遷孺子於駘

齊邑 史記齊世家集解

七年

上物不過十二

周禮王合諸侯享禮十有二牢上公九牢侯伯七

牢子男五牢 史記吳世家集解

曹人或夢衆君子立于社宮

社宮社也

史記曹世家集解水經注卷三十五

乃背晉而好宋

以小加大上同

十有一年

公孫夏命其徒歌虞殯

虞殯遺殯

歌詩正義

胡篋之事

夏曰胡

正義引賈服等

季孫欲以田賦

欲令一井之間出一丘之稅井別出馬一匹牛三

頭正義

十有二年

昭夫人孟子卒

言孟子若言吳之長女也

正義

請尋盟

尋溫也

禮記中庸正義論語邢昺疏

十有三年

王惡其聞也

惡其聞諸侯史記吳世家集解

乃先晉人

外傳曰吳先畝晉亞之先叙晉晉有信又所以外

吳同上

十有四年春西狩獲麟

孔子自衛反魯考正禮樂修春秋約以周禮三年

文成致麟麟感而至取龍為水物故以為修母致

子之應正義引賈逵周在西明夫子道繫周

小邾射以句繹來奔

此下弟子所記正義

闕止有寵焉

闕止子我也史記齊世家集解

諸御鞅

鞅齊大夫也同上

子我父

即闕止也史記齊世家索隱

初陳豹欲為子我臣

豹陳氏族也史記齊世家集解

使公孫言己

公孫齊大夫也

適豐丘

豐丘陳氏邑

陳恒執公于舒州

陳氏邑也並同上

十有五年

稱姻妾以告

婚姻家妾也史記衛世家集解

介輿緹從之

介被甲也輿緹豚欲以盟

遇子羔將出

子羔衛大夫高柴孔子弟子也將出奔

弗及不踐其難

言家臣憂不及國不得踐履其難並同上

十有六年

如高府

高府府名也

史記楚世家集解

十有七年

紫衣狐裘

紫衣君服

正義

如魚窺尾衡流而方羊裔焉

窺赤色魚勞則尾赤橫流方羊不能自安裔水邊

言衛侯將若此魚

同上

見戎州

戎州戎之邑

史記衛世家集解

二十有二年

請使吳王居甬東

甬東越東鄙甬江東也

史記吳世家集解

二十有七年

故君臣多間

間隙也

史記魯世家集解

三十三卷七十四

玉函山房輯佚書目

卷三十三

經編春秋類

春秋左氏長經一卷 後漢賈逵

春秋三傳異同說一卷 後漢馬融

解疑論一卷 後漢戴宏

春秋公羊文諡例一卷 後漢何休

春秋左傳解誼二卷 後漢服虔

玉函山房集書

鄭媛館補校

Blank area with vertical lines, likely a placeholder for text or a diagram.

春秋左氏長經章句一卷後漢賈逵撰案後漢書逵
 本傳云建初元年詔逵入講北宮白虎觀南宮雲臺
 帝善逵說使發出左氏傳大義長於二傳者逵於是
 具條奏之又具奏云擿出左氏三十事隋志春秋左
 氏長經二十卷漢侍中賈逵章句唐志同今佚本傳
 載奏一篇章懷太子注引說九節公羊疏亦引二節
 以左氏義深君父公羊多任權變卓識不磨唯好用
 圖讖明劉氏為堯後史論讖其附會文致最差貴顯
 然左氏之學傳於後世景伯之力也世稱通儒蓋無

春秋左氏長經章句

序

一 鄭媛館補校

愧焉歷城馬國翰竹吾甫

三十三卷二

春秋左氏長經章句

後漢 賈逵 撰

逵奏臣謹擿出左氏三十事尤著明者斯皆君臣
之正義父子之紀綱其餘同公羊者什有七八或
文簡小異無害大體至如祭仲紀季伍子胥叔術
之屬左氏義深於君多委羊多任於權變其相殊
絕固以甚遠而宛抑積久莫肯分明臣以永平中
上言左氏與圖讖合者先帝不遺芻蕘省納臣言
寫其傳詒藏之秘書建平中侍中劉歆欲立左氏

不先暴論大義而輕移太常恃其義長詆挫諸儒
諸儒內懷不服相與排之孝哀皇帝重逆衆心故
出歆爲河內太守從是攻擊左氏遂爲重讐至光
武皇帝奮獨見之明興立左氏穀梁會二家先師
不曉圖讖故令中道而廢凡所以存先王之道者
要在安上理民也今左氏崇君父卑臣子強幹弱
枝勸善戒惡至明至切至真至順且三代異物損
益隨時故先帝博觀異家各有所採易有施孟復
立梁丘尚書歐陽復有大小夏侯今三傳之異亦

猶是也又五經家皆無以證圖讖明劉氏爲堯後
者而左氏獨有明文五經家皆言顓頊代黃帝而
堯不得爲火德左氏以爲少昊代黃帝卽圖讖所
謂帝宣也如今堯不得爲火則漢亦不得爲赤其
所發明補益實多陛下通天然之明建大聖之本
改元正歷垂萬世則是以麟鳳百數嘉瑞雜遝猶
朝夕恪勤遊情六藝研機綜微靡不審覈若復留
意廢學以廣聖見庶幾無所遺失矣

後漢書
賈逵傳

隱公元年左傳春王周正月

公羊以魯隱公為受命王黜周為二王後各不正

則言不順言不順則事不成今隱公人臣而虛稱

以王周天子見在上而黜公侯是非臣名而言順

也如此何以笑子路率爾以為忠信何以為事

上何以誨人何以為法何以全身公羊傳 徐彥疏

左傳宋人執鄭祭仲曰不立矣將死祭仲許之遂出

昭公而立厲公

公羊傳曰祭仲者何鄭之相也何以不名賢也何

賢乎祭仲以為知權也其知權奈何宋人執之謂

之曰為我出忽而立突祭仲不從其言則君必死

國必亡從其言則君可以生易死國可以存易亡

古之有權者祭仲之權是也後漢書賈逵傳 章懷太子注若令

臣子得行則閉君臣之道公羊傳疏

左傳紀季以鄒入于齊紀侯大去其國

紀季不能兄弟同心以存國乃背兄歸讐書以譏

之公羊傳曰紀季者何紀侯之弟也何以不名賢

也何賢乎服罪也其服罪奈何請後立廟以存姑

姊妹後漢書賈逵傳注

左傳楚平王將殺伍奢名伍奢子伍尚伍員曰來吾免而父尚謂員曰聞免父之命不可以莫之奔親戚為戮不可以莫之報父不可棄名不可廢子胥奔吳遂以吳師入郢卒復父讐

公羊傳曰父受誅子復讐推刃之道也公羊不許子胥復讐是不深父也

左傳曰冬邾黑肱以濫來奔賤而書名重地故也君子曰名之不可不慎以地叛雖賤必書地以名其人終為不義不可滅已是以君子動則思禮行則思義

公羊傳冬黑弓以濫來奔又何以無邾婁通濫也曷為通濫賢者子孫宜有地賢者孰謂謂叔術也何賢乎叔術讓國也

左傳曰翼戴天子加之以恭又曰君命天也天可讐乎委贄策名二乃辟也父教子二何以事君又曰棄父之命惡用子矣以有無父之國則可

是崇君父卑臣子也

左氏王人雖微序在諸侯之上又曰五大不在邊五細不在庭末大必折尾大不掉

是強幹弱枝也

又曰盡而不污懲惡而勸善非聖人其孰能修之

史記曰孔子曰我欲載之空言不如見之行事深

切著明也

春秋晉大夫蔡墨曰陶唐氏既衰其後有劉累學擾

龍事孔甲范氏其後也范會自秦還晉其處者為劉

氏

明漢承堯後也

左氏傳曰黃帝氏以雲紀少昊氏以鳥紀

是以少昊代黃帝也河圖曰大星如虹下流華渚

女節意感生白帝朱宣並同上

[Faded text in the right column, likely bleed-through from the reverse side]

春秋三傳異同說一卷後漢馬融撰融於易書詩禮
 皆有注已各著錄後漢書本傳云嘗欲訓左氏春秋
 及見賈逵鄭眾注乃曰賈君精而不博鄭君博而不
 精既精既博吾何加焉但著三傳異同說隋唐志皆
 不載書佚已久輯二十一節如說二叔為夏殷之叔
 世五典為五行與賈鄭殊異未必如賈鄭之可從也
 歷城馬國翰竹吾甫

春秋三傳異同說

後漢 馬融 撰

隱公

元年

都城過百雉

雉長三丈

孔穎達正義引
賈逵馬融王肅

閔公

二年

吉禘于莊公

逸禮云皆升合於其祖

禮記王制正義引云劉歆賈逵鄭衆馬融皆以為然

僖公五年

遂登觀臺

明堂在南郊就陽位而宗廟在國外告朔行政謂

之明堂

詩大雅靈臺正義

號仲號叔王季之穆也

號叔同母弟號仲異母弟號仲封下陽號叔封上

陽

正義羅泌路史後紀卷九引云叔同母仲異母

十年

夷吾無禮

申生不自明而死夷吾改葬之章父之過故曰無

禮正

十有五年

筮短龜長

筮史短龜史長

周禮春官占人賈公彥疏

箕子

紂之諸父

史記宋世家司馬貞索隱引馬融玉肅

二十有四年

昔周公弔二叔之不咸

二叔夏殷之叔世正義詩小雅常棣正義

管蔡邲霍魯衛毛明邵雍曹滕畢原鄆郇文之昭也

畢毛文庶子史記周本紀索隱

二十有五年

晉於是始啓南陽

晉地白朝歌以北至中山爲東陽朝歌以南至軹

爲南陽酈道元水經注卷九引馬季氏

文公

十有一年

皇父之二子死焉

皇父之二子從父在軍爲敵所殺名不見者方道

二子死故得勝之如今皆死誰殺緣斯正義

十有八年

秦伯營卒

穀梁傳曰秦伯偃公羊傳徐彥疏引三家經同異

宣公

二年

田於首山

首山在蒲坂華山之北河曲之中

後漢書郡國志劉昭注

襄公

三年

使鄧廖帥組甲三百被練三千

組甲以組為甲裏公族所服被練以練為甲裏卑

者所服

正義文選左太冲吳都賦李善注引云

也魏都賦注引作練為甲裏謝元暉和伏武昌登

孫權故城詩注引云組甲以組為甲被練為甲裏

也徐堅初學記卷二十

二引被練二句無以字

四年

魯於是乎始髻

屈布為巾高四寸著於顙上

正義

昭公

四年

大雨雹

穀梁作大雨雪

公羊傳疏引三家經同異

七年

余敢忘高圍亞圍

春秋三傳異同

四鄉環館補交

高圉亞圉周人所報而不立廟禮記王制正義

十有二年

是能讀三墳五典八索九邱

三墳三氣陰陽始生天地人之氣也五典五行也

八索八卦九邱九州之數也正義

祭公謀父作祈招之詩以止王心

圻為王圻千里王者遊戲不過圻內昭明也言千

里之內是明德

王是以獲沒於祗宮

祗宮圻內遊觀之宮也並同上

定公

三年

有兩肅爽馬子常欲之

肅爽鴈也其羽如練高首而修頸馬似之天下稀

有故子常欲之正義 文選左太冲吳都賦又張景陽七命注並引云驪驪鳥也馬

之似

解疑論一卷漢戴宏撰宏不詳何人其書史志亦不載何休公羊傳序云恨先師觀聽不決多隨二創此世之餘事斯豈非守文持論敗績失據之過哉徐彥疏謂此先師戴宏等也又謂戴宏作解疑論而難左氏不得左氏之理不能以正義決之又謂執持公羊之文以論左氏卽戴宏解疑論之流矣今其難左之說佚不可見徐疏引其序一則述公羊源流論二則一說孔子感世衰而作春秋一說楚吳異號引緯證經得母因賈逵之緣隙奮筆而務與讖合乎歷城馬

國翰竹吾甫

國翰竹吾甫
 解疑論
 漢戴宏撰
 序
 子夏傳與公羊高高傳與其子平平傳與其子地地
 傳與其子敢敢傳與其子壽至漢景帝時壽乃共弟
 子齊人胡母子都著於竹帛與董仲舒皆見於圖織
 者也
 何休公羊傳序徐彥疏晁公武邵齋讀書志卷
 三王應麟玉海卷四引戴宏序章如愚山堂考
 索前集卷六引
 作戴立傳序
 聖人不空生受命而制作所以生斯民覺後生也西

解疑論

漢戴宏撰

序

子夏傳與公羊高高傳與其子平平傳與其子地地
 傳與其子敢敢傳與其子壽至漢景帝時壽乃共弟
 子齊人胡母子都著於竹帛與董仲舒皆見於圖織
 者也
 何休公羊傳序徐彥疏晁公武邵齋讀書志卷
 三王應麟玉海卷四引戴宏序章如愚山堂考
 索前集卷六引
 作戴立傳序

聖人不空生受命而制作所以生斯民覺後生也西

狩獲麟知天命去周赤帝方起麟為周亡之異漢興之瑞故孔子曰我欲託諸空言不如載諸行事又聞端門之命有制作之狀乃遣子夏等求周史記得百二十國寶書修為春秋故孟子云世衰道微邪說暴行有作臣弑其君者有之子弑其父者有之孔子懼作春秋故史記云春秋之中弑君三十六亡國五十二諸侯奔走不得保其社稷者不可勝數故有國者不可以不知春秋為人臣者不可以不知春秋為人臣父而不通於春秋之義者必蒙首惡之名為人臣

子而不通於春秋之義者必陷篡弑之誅以此言之則孔子見時衰政失恐文武道絕又見麟獲劉氏方興故順天命以制春秋以授之

公羊傳疏引解疑論

荆楚一物義能相發吳楊異訓故不得州名也

公羊莊十

年疏引戴氏

春秋文誼例一卷漢何休撰休有冠禮約制已著錄
此書翼公羊解詁而作隋志一卷唐志不載佚已久
徐彥疏引其略茲據錄補晁說之謂何休特負於公
羊之學五始三科九旨七等六輔二類七缺之設何
其紛紛邪案休公羊傳序云胡毋生條例多得其正
然則何氏之例亦自有所受之也歷城馬國翰竹吾
甫

春秋文誼例

莫何休撰

此春秋五始三科九旨七等六輔二類之義以矯枉

撥亂為受命品道之端正德之紀也

徐彥公羊傳疏

三科九旨者新周故宋以春秋當新王此一科三旨

也所見異辭所聞異辭所傳聞異辭二科六旨也內

其國而外諸夏內諸夏而外夷狄是三科九旨也

五始者元年春王正月公即位是也

徐彥疏王應麟玉海卷四十

七等

七等者州國氏人名字子是也

六輔

六輔者公輔天子卿輔公大夫輔卿士輔大夫京師
輔君諸夏輔京師

二類

二類者人事與災異是也並同上

七缺

七缺者惠公妃匹不正隱桓之患生是為夫之道缺
也文姜淫而害夫為婦之道缺也大夫無罪而致戮

為君之道缺也臣而害上為臣之道缺也僖五年晉
侯殺其世子申生襄二十六年宋公殺其世子痤殘
虐枉殺其子是為父之道缺也文二年楚世子商臣
弑其君髡襄三十年蔡世子般弑其君固是為子之
道缺也桓八年正月己卯烝桓十四年八月乙亥嘗
僖三十一年夏四月四卜郊不從乃免牲猶三望郊
祀不修周公之禮缺也徐彥疏不言文諡例據晁公武郡齋讀書志七缺與五始等並屬何休知疏承上省文

